

續天津縣志卷十九

藝文四

詩

五古

王野鶴道士開園

卽今之香林院

龍震

文雷

閒閒十畝間道士有所慕盡除芳草根獨留蒼松  
樹開畦引流泉往來親指顧欲種東陵瓜不棲南  
山霧野老荷鋤至相逢道平素身貧當任勞非爲  
圖生聚行且移琴書誅茅此中任小結黃蝶菴曲  
通白鶴路茫茫滄海聲相去只數步豈怕春雨稀  
但恐秋濤怒語罷夕陽下風鷗亂古渡隔岸桃李  
園紅燈樓上露

續天津縣志

卷十九

藝文四

一

送阿都轉雨窗先生

林保

金

銓

野田

良辰遇欣賞無如風雨何委巷讀書人曾紆車馬  
過使之捐塵勞庶以養天和深致澹難忘扶筇出  
薜蘿侵曉踏霜華沾水生寒波欲言未能達離愁  
空自多

題周二尹大綸死事傳

沈

峻

存圃

周公侗儻才觀書鄙章句微官屈壯猷復與凶豎  
遇一死謝尊親守道無恐懼 聖朝卹典隆廕子

表厥墓公名重泰華公魂猶赫怒到今海上村慘澹風雲護

丁貞女詩

沈峻 存圃

夫亡矣妾當死心雖可白身誰委未事夫當事姑女堪為婦甘茹荼別母奔喪誓守節麻衣染盡嘔鵲血猶子承祧夫有後百年更祝姑長壽妾命無紅妝妾性宜秋霜形銷骨化心不變黃泉他日好相見

金竹坡先生世熊嘉慶庚午科重宴鹿鳴

沈峻 存圃

續天津縣志

卷十九

藝文四

二

公本世家子弱冠登賢書作令未煖席冷官廡下居臯比數十載著作常盈車囊中無俸錢對酒焚枯魚忽然挂冠去田園賦遂初賣文還煮字翰墨珍璠瑜 公善書神似香光 其如識者少不足供飯蔬胸次自豁達經義猶菑畬耳不聞俗事坐閱八秩餘同年看後進此樂復誰如萬物歸一指天地為遠廬豈必致富貴但願收名譽德言堪不朽絕勝遊華胥吾衰祝公健誦此當軒渠

贈寇露滋蘭皋

于秉鈞 禹和

寇君古君子家無擔石儲一點陽春心能將萬物

舒精通草木性日檢活人書良相與良醫窮達竟何如

贈陳位端鼎元

于秉鈞 禹和

陳君諳性理業儒求真儒制品存其芳爲文芟其蕪一卷聖賢書寒門可自娛辱蒙立雪意愧余老且愚

贈蔣雄甫玉虹

于秉鈞 禹和

蔣君柳下風處世無其和禿盡萬枝筆金石資搜羅津門留掌故祕笈藏金科三日或不食風雨聞高歌

續天津縣志

卷十九

藝文四

三

壬午畿輔大水偶出西郊流民滿道惻然有作

樊彬 文卿

終歲居城市未知年饑豐偶出郭門行流離滿目中男婦行絡繹長號臨北風面目何驚黑鶉衣不蔽躬妻孥尙未散攜抱扶短筇向人通里貫家世昔爲農今年河伯怒禾黍游魚龍欲適樂郊去全家赴遼東關吏不放出嗷嗷成哀鴻再復還鄉里路遠囊已空一錢乞過客老幼慟拊膺嗟彼司牧者焉識斯人窮我愧家壁立更無山鞠藭安得鄭監門圖寫流民工安得香山裘萬里周帡幪

蓮瓢詩意圖爲翁寄塘孝廉作

李雲楣

采仙

甲子秋寄塘游湖上得句云切盡秋瓜暑未消  
跨虹橋外雨蕭蕭渚蓮零落不歸去醉拾紅衣  
當酒瓢陳玉方侍御劇賞之爲書蓮瓢小舫橫  
幅陸秋生孝廉作圖以贈

紅蓮落故渚輕舟泛夕陰人生貴娛樂有酒聊共  
斟微雨湖上來冷然風滿林對此忘憂物足以豁  
塵襟言念曠懷人寄興發幽吟湖山窄且多湖水  
清且深古人不可見蕭蕭白髮侵流覽君之圖真  
意良可尋何當一瓢飲同傾萬古心

續天津縣志

卷十九

藝文四

四

七古

節烈四婦歌

查禮

恂叔

天津舊有三婦合葬焉一爲譚某妻陳氏一爲  
阮某妻諸氏以烈死一爲趙某妻裘氏以節死  
乾隆元年八月十八日金振妻丁氏無子視夫  
舍殮畢旋殉柩側里人請諸當事與三節烈並  
葬稱節烈四婦云

君不見文文山作正氣歌津城節烈何其多父老  
向予說三婦往往涕泗爲滂沱二婦不受彊暴污  
秉貞浩氣還太和一婦食貧甘苦茶冰心鐵骨玉

爲質不羨膏粱華腴珍羞羅凡此稜稜不可屈堪  
比蘇卿持節牧羊坡三塚纍纍一抔土丈二碑碣  
字不磨碧天霜月何皎潔羞照人間含羞妖冶嬌  
翠娥聞風起興金氏婦夫歿無子奈少何照見古  
井水無波泉路匪遙矢靡他里巷聞之各酸鼻莫  
不心欽足頓手摩挲嗚呼從來烈節天所覽公道  
在人相護呵今茲四婦合爲一各行其志同香窩  
聖世采風重節義表厥宅里樹婆娑豈無鬚眉愧柔  
骨高風松柏同巍峩

與顧方來羅近齋晚登玉皇閣

查善和 東軒

續天津縣志

卷十九

藝文四  
詩

五

昔聞古剎城之東中有高閣凌天風二客攜手相  
呼引足履危梯雙睛矇攀援有如猿升木輾轉不  
異鳥入籠須臾山河大地見如駕鵬翼騰虛空是  
時昏黃冰魄湧金波尙弄海水紅長河繞郭千里  
瀉高城枕水百雉雄俯視廣廈千萬列謂是大賈  
五侯同吁嗟此身一稊米蟻穴富貴如轉蓬登閣  
足令須彌小牛角何必相戰攻持此欲問泰山叟  
奚事驅車咨龜蒙

張節母詩

丁時顯 名揚

無百年常存之形骸有萬古不磨之氣節卓哉張

母女中傑禁方三十傳丹訣廿六賦孤鸞芙蓉早  
摧折堂上孀姑堂下兒一身經理勞心力灼灼青  
燈動曉星蕭蕭絡緯鳴寒夜龐氏誰誇躍鯉風閔  
家羞說蘆花雪奉老存孤五十秋養生送死無虧  
缺此日黃泉見故人相逢一笑無慚色

輓高孝女

張湘礎珊

南村先生忠且篤大兒小兒比鸞鶴山川靈秀萃  
一門有女娟好如雪玉無端狂焰夜中來救母不  
得身已灰玉骨那隨狂燄盡依然孺慕相依偃歷  
觀千古興亡史多少不殉君父死可以無死死殉

續天津縣志

卷十九 藝文四

六

親嗟嗟此女愧男子踞山之鳥何茫茫衛火無術  
空斷腸幅巾何日柳陽道爲束生芻拜堂皇

吳念湖太守招集思源莊饑張楚山先生之新城

分體七古

徐瀾 東川

張侯大才莫高攀九天唾瀉珠璣圓禿毫一掃蕉  
葉黑淋漓不數君家顛致身自許青雲路誰知徒  
供折腰具百里絃歌單父琴三年鵬鳥長沙賦只  
今歸卧如縣苑石田茅屋荒蓬蒿大隱非山亦非  
市膠庠足以營其巢秋花照溪溪水紅蘆蒲瑟瑟  
搖悲風林塘野樹松榆暮亂蟬聲咽天邊鴻此時

坐客慘無色青衫欲溼酒行急眼底壺觴不盡歡  
他日相思難再得筑亦不擊高漸離璧亦不餽僖  
負羈憐君揮手從此辭飄然一去歸幾時欲別未  
別水之涯君不見七十二沽煙漠漠明朝何處孤  
帆落

津門迎神歌

沈峻 存圃

鳴鉦考鼓建旗燾尋橦擲盞或交撲魚龍曼衍百  
戲陳更奏開元大酺曲笙簫箏笛絃琵琶靡音雜  
逖聽者譁老幼負販競馳逐忙殺津門十萬家向  
夕燈會如匹練燭天照地目爲炫香煙結處擁福

續天津縣志

卷十九

藝文四  
詩

七

神儀從續紛圍雉扇白晝出巡夜進宮獻花齊跪  
歡兒童慈容愉悅默不語譬彼造化忘神功別有  
香船泊河滸攜男挈女求聖母焚楮那惜典釵環  
願賜平安保童豎我聞聖母奠海疆載在祀典銘  
旗常初封天妃嗣稱后自明迄今恆降康津門近  
海魚鹽利商舶糧艘應時至維神拯濟免淪胥策  
勲不朽宜正位在昔緹縈與曹娥皆因救父死靡  
他雖云純孝澤未遠孰若仁愛昭山河復有恬波  
稱小聖立廟瀛壖禋祀敬未聞報賽舉國狂始信  
驩虞關性命伊余扶杖隨奔波歡喜爰作迎神歌

康衢擊壤知帝力闕里猶記鄉人儺

如是菴

沈兆澐 雲巢

三字明周將軍遇吉書萬曆天啟年間將軍寓  
津寺爲寺僧書此勒石嵌諸楹後鎮山西甯武  
關崇正末禦寇殉節津寺久圯石無存嘉慶戊  
辰冬蔣雄甫偶遊郊外廢寺覺階石有異翻視  
卽將軍所書石也款識宛然爰移嵌城西廟壁  
中並奉像祀焉

貞珉字勒如是菴乃是將軍所題古寺顏將軍殉  
節距今二百載生氣鬱勃猶行間津門昔作孤雲

續天津縣志

卷十九

藝文四  
詩

八

客倏撫利劍柔翰擲去壯秦關萬里城留伴韓陵  
一片石颯爽酣戰賊膽寒大力獨挽浩劫難證透  
聲聞辟支果金剛不壞寸心丹元卿仰慕忠義久  
言尋荒刹沿階走喜逢卜硯出僧房快識獵褐從  
杵臼廟貌追奉瞻威靈嵌石殿壁標丹青魯公楷  
法多寶塔桓侯真蹟刁斗銘吁嗟乎古人不可見  
見還故物齊興歎髣髴將軍筆陣戰陣等量觀快  
馬輕刀怒馳電

海潮菴

沈兆澐

雲巢

周月東於菴中得謝文節橋亭卜卦硯



津門城西海潮菴塵垢空集草不茂夜夜光芒沖  
牛斗疑有干將藏石函周子偶來瞿曇室牀下獲  
硯亟拭拂橋亭卜卦識分明攜取喜是謝公物謝  
公昔守信州城迎戰兵敗團湖坪奔走延頸日南  
望麻衣躡屨變姓名無聊賣卜建陽市義文圖畫  
周孔字入夢不協熊羆占有眼長揮鸚鵡淚淪沒  
土中五百年宛好不磷如心堅護持寶物仗神力  
何時流落來幽燕珍藏濂溪得所託心許查君重  
然諾想見愛古有同情文節九原如可作鑄背曾  
傳學士銘乾坤正氣貫星精書齋不厭千回看石

續天津縣志

卷十九

藝文四  
詩

九

友文山玉帶生

洋貨街

趙 埜

堯春

洋貨街頭百貨集穿衣大鏡當門立入門一揖衆  
粲然真成我與我周旋回家說向妻與子一室粲  
然猶一市無心總被有心笑我以無心任顛倒安  
得相逢盡是鏡中人相視而笑了無心

津門新樂府

李雲楣

采仙

堆鹽坻 戒游惰也

津門之地本斥鹵第一生涯惟饒賈鹽坻堆積崇  
如山遂使後人不知艱祇道鹽坻終可恃雙瞳何

必識丁字學人衣食競豪華精英棄擲等泥沙一朝化去成烏有公私交迫真債藪夙不憂人人孰憂親朋避之胥吏守吁嗟乎自古有餘則爲患安用坵鹽堆如山君不見東家散財濟窮貧至今人稱李善人又不見西家居奇矜獨智子孫曾無立錫地吁嗟乎堆鹽坵堆幾多終不可恃奈若何

十字圍 修水利也

天津城南地卑汗雜樹不植百草枯每逢霪雨聚行潦汪洋巨浸成江湖人謂近海地廣斥荒穢不治誠堪惜忽來大令展經猷欲效浙閩事開闢無

續天津縣志

卷十九

藝文四

十

水則鹹有則潤穿渠引水吾弗吝編作十字分十圍禹稷之功一人在復修五牖司啟閉從此津門知水利平疇方罫滿郭南頓使磽區成腴地無游民無曠土歲取菽粟不可數詎知宣洩不依時牖廢隄荒仍斥鹵試看蒼茫郭外盡荒郊荆棘縱橫豺狼嗥安能誰嗣興民謠殖我田疇仰鄭僑

劉孝子歌

楊慎恭

醉六

劉孝子擔夫耳竭力養父備甘旨愉色婉容出天性父子怡怡樂無比母死兄別居孝子奉養不推諉孝子愛父兼愛兄委曲之言有至理謂父弗責

兄一兒養父已足矣兄畜妻子力猶歎兒願出家  
不願有妻子父今七十兒三十惟願父之餘年日  
日皆歡喜吁嗟乎孝子目不識一丁泚筆爲歌吾  
同里

烈婦張氏歌

楊慎恭 醉六

婉順事良人洗瀆不敢瞋良人無饜更無賴庭有  
錢樹心始快刺繡不如倚市門不許堅持冰玉身  
從夫夫不端呼母母不聞舅歿有繼姑逆子無天  
倫穢哉糞上英蕩哉風中塵幸無兒女累死爲潔  
鬼生非人彼匪夜邀赴賭局蘭摧桂折馨香存阿  
續天津縣志 卷十九 藝文四 十一

姑晨始知痛哭訴鄉鄰姑媳昨夜話媿媿媳今決  
絕難招魂逆子而乃有此媳姑慈無奈惟飲泣吁  
嗟乎案頭鴟碗牀頭屍天荒地老長恨無盡時

王烈婦歌

楊光儀 香吟

悽悽復悽悽生死不相離風吹月墜烏夜啼泉臺  
咫尺誰阻之上無舅姑下無稚子貧賤矢百年君  
胡爲乎竟死撫君盤中殮魂兮不食哭聲吞視君  
甕中酒魂兮不飲生塵垢妾獨何心以飲以食哀  
哀昊天十日絕粒望君兮何處從君兮殯宮信知  
生不如死兮忍聽天末之孤鴻

尹貞女歌效忠雅堂體

沈兆遷 雲巢

尹貞女性慧聰九歲受聘桂氏子子名松年猶孩  
童未幾桂氏遭回祿松年流離豫齊東奔波蹤無  
宗存歿信罔通父母奪女志誓死堅不從乃曰桂  
氏子歸婦伊始桂氏子歿女以終依母家居甘茹  
苦七十六歲隕霜楓里人公爲起馬鬣十烈冢畔  
表清風我詩紀實傳萬古不朽文如勒鼎鐘

五律

三汊河口

王又樸 介山

千里長河盡人傳是海門地當平處坼水繞衆流

續天津縣志

卷十九

藝文四

十三

尊立浪魚龍怒奔潮星斗翻憑陵常落魄何處覓

真源

康園水亭卽事

沈起麟 苑遊

此中饒鼓吹耳畔雜鳴蛙闢徑通流水編籬護野  
花嫩荷經雨漲疏柳趁風斜儻遂棲遲志衡門自  
可家

望西淀

朱函夏 乾馭

久別蓮花淀今來潑眼新渚香晴貼翠風影嫩生  
鱗立愛鷺公子眠宜鷗舍人含情難久駐摘嗅水  
花頻

東郊

丁時顯 名揚

步出衛城外行來沽水邊青帘楊柳市黃蝶菜花  
天胸內無愁思囊中有酒錢自將閒杖履行樂一  
年年

香林院贈王鍊師野鶴

查為義 集堂

琳館河壩上青苔滿院滋入門同佩景把袖勝餐  
芝月榭吹笙靜風簾搗藥遲湛園遺墨在留玩拂  
蛛絲

雨晴登環水樓卽景

查善長 鐵雲

夜雨酣如夢惓惓到五更曉來登水閣涼意滿秋  
城茶葉同人瘦葦花生遠情癡雲飛不動角角學

續天津縣志

卷十九

藝文四

三

山行

李懷芳還天津

金世熊 竹坡

白首驚相見交親老倍親君今歸故國我尚逐風  
塵往事花頭露前途鏡裏春停驂曾幾日又作別  
離人

津門晚煙

張霖 曾菴

萬家炊不止煙起半天橫海氣東來合雲林北望  
平風寒疑作雨月黑早關城小艇歸何急漁燈一  
路明

過海光寺

徐壽保 鏡堂

寺門無客款蘇色亦蒼蒼解夏期纔過迎秋候漸涼  
涼堂頭曾識我佛閣共焚香密邇津南路誰消半日忙

戊寅初秋偕趙二川泌及兒輩遊海光寺

吳景周 向亭

秋日乘佳興禪宮緩步尋樹煙含遠近雲氣互晴陰  
花繞迴廊徧僧談妙蘊深歸來天色晚宿鳥已趨林

大覺庵看牡丹

梅成棟 樹君

續天津縣志

卷十九

藝文四

十四

花園遙臨水東風撲面香千畦封暖翠一徑豔斜陽  
蝶密紅圍寺鶯啼綠過牆村僧解迎客半日足徜徉

登河樓

梅成棟 樹君

遠水兼天下西風滿畫樓桃花如一夢紅葉又三秋  
廢宅多生草高原尙泊舟憑欄起長歎誰有救時謀

送天津陳小蕃司馬 重 之保陽

徐 墀 竹墅

欲別難爲別相交已十年餞君慚薄酒話舊感離筵  
侷儻誰同調廉明邁昔賢驪歌高唱處那得不

留連

七律

弔殷貞女

周焯 七峰

貞女天津人適同里邢某邢母素有穢行百計  
逼女不從遂沃以沸湯無完膚太守劉公聞其  
事遣尉詰之女終無言以死

一室薰蕕品自分趨風狂犬謾狺狺清冰肯受蒼  
蠅點貞玉從教灼火焚冤可大伸終欲茹肌雖全  
腐亦常芬衛安門外添抔土自此人呼五烈墳  
百計摧蘭不忍聞終能皦皦出塵氛男兒幾箇甘

續天津縣志

卷十九

藝文四

十五

湯鑊奇節何關飮典墳事雪已消通邑憤傳成爭  
讀使君文須知法網從來大不肯窮搜孤鹿羣

沽上餞別

童葵園 蘭風

海天新漲一杭浮野樹鳴蟬夾岸稠村落幾家雲  
腳下夕陽一片柳梢頭碧筒鯨吸酬吟興紫管鸞  
吹送客愁脈脈離情何處是半灘紅染蓼花秋  
辛巳大水感懷

周人麒 衣亭

清時萬類荷陶甄人事無如氣化偏常仰卿雲歌  
舜日忽驚洪水見堯年搔頭一任彌千里隻手誰  
能障百川極目河南并河北悠悠寒浪接長天

春郊

王又樸 介山

一抹輕雲駘蕩天探花須及早春前軟沙印馬蹏  
痕亂細柳撩人眼界鮮遊興偏同方少日壯懷空  
憶過來年半生潦倒終逃酒輸盡囊中增歲錢

過問津園有感

張琯 元白

荏苒韶光去不留畫橋曲檻已成邱兒孫誰復承  
先業父老相攜感舊遊紅樹枝頭啼好鳥碧溪蘆  
畔牧耕牛從來興廢尋常事欲問當年話不休

北倉

查為仁 蓮坡

二月韶光自不同日晴沙煖盡融融河冰初泮浮

續天津縣志

卷十九

藝文四

六

孤艇柳意全舒受好風社鼓聲喧村店北酒帘影  
颺板橋東纔離沽水無多路已覺塵囂遠市中

題周大迂草堂

金玉岡 芥舟

俯仰乾坤一草堂小牕真可傲羲皇塵封古竈常  
無火席斷青蒲不滿牀萬卷破書殘映雪幾枝寒  
菊瘦凌霜妻炊瓦釜兒隨課風過簞瓢亦自香

己卯重與鹿鳴筵宴詩以誌之

董岱 青岳

解組歸田二十秋慣扶鳩杖效衢謳自憐衰老入  
旬外虛占科名一甲周京兆堂前尋指爪郎君隊  
裏預觥籌回思前度三條燭試帖新添句費摻

鄉試



易表判以詩自  
乾隆己卯科始

廣川薄宦又荆襄碌碌風塵兩鬢霜水利民田修

職業短衣匹馬事戎行撫循不憚千山遠顛蹶俄

驚一足傷

因辦撫恤至鄖陽墜馬傷足告病回籍

未竭菲材酬薦牘

登場草草便收場

此身已分百無能強飯空教歲月增鬢序重修愧

宗祖學田初置立孫會有官不赴嗟余子

子啟祥由舉人

在吉林學正保舉知縣循例侍養

得酒翻愁乏老朋尙賴山妻同

健在

余年八十有四元配洪氏八十有三

昔年辛苦話寒燈

澗水師門已斷雲還從令子辦香分

己卯梁薊林師主秋闈嗣

續天津縣志

卷十九

藝文四

七

君山舟侍講先於丁卯重宴鹿鳴

詩成丁卯書兼盛美擅東南樂

有羣老我輒塵重插腳看他新桂喜含芬前賢時

彥吾何及同沐

恩光拜

聖君

同陳月舫遊海光寺

沈

峻

存圃

城南香界有精廬不拜如來廿載餘匝地苔痕團

鹿砦諸天雲氣護

龍書中央宛在原非水至樂

難名豈爲魚日午憑闌延萬象摩箋命酒趣何如

金竹坡世熊庚午重宴鹿鳴

徐通復

菊圃

耆英堂裏孰居先獨淪清冷種壽泉

年入十一

故里早

歸文學掾秋風重泛孝廉船傳家先澤藏雕錦尊人

翰林學士 娛老生涯賸硯田 同輩半非身健在天留碩  
果桂林邊

豔雪樓

為詩人佟蔗村  
姬人豔雪作也

梅成棟

樹君

水西莊外綠波生 欲訪佟家買棹行 春草已蕪高  
士宅畫樓猶謚美人名 琴奩鏡匣空陳跡 殘礎荒  
榛動遠情 一樹海棠花落盡 迴風舞雪撲流鶯

和陶鳧薊先生津門贈別元韻

梅成棟

樹君

投老天雄得意游 歐公門下愛難酬 許窺祕笈三

千卷 喚起精魂二百秋

公選畿  
輔詩傳

遍采風詩周 輦

路又瞻星日麗 皇州竝看此集刊行後海內爭

續天津縣志

卷十九

藝文四  
詩

六

傳勝置郵

津門詩鈔輯成題長句二

梅成棟

樹君

鼠齧蟬穿二百年 搜求遺草出塵烟 題名不比登

科錄 小傳如標獨行篇 前輩有靈來紙上 舊交無

數晤 燈前寒窗料理閒 中業聊結粉榆翰 墨緣

敢云此卷少遺珠 聞見非多愧小儒 略為詩人傳

梗概 忍令古本盡荒蕪 海濱耆宿傷存歿 沾上風

流半有無 漫道漁洋常感舊 詞壇振臂望同扶

登城有感

梅成棟

樹君

六年無日不思家 今日登城感倍加 草草一官當

暮景寥寥八口住荒衙平沙落日千羣馬流水孤村數點鴉極目蒼涼龍塞地更誰魚雁寄天涯

重五日梅樹君先生約同徐楊小梅山長緒陸秋

生鈞高寄泉繼珩姚朗山承恩徐蘭生大鏞金

杏林漢吳雲佐起元錢冬士步文七孝廉孔繡

山上舍憲彝王虎卿明經權及瘦山弟雲權水

西莊宴集 李雲楣采仙

擬趁良辰作勝遊名園遙指水西頭榴花著樹殘

霞吐麥氣連雲輭浪浮健步羣誇翁矍鑠是日同人俱乘

舟惟子弟 騁懷人比晉風流山僧頗解騷人趣先

續天津縣志 卷十九 藝文四 五

日曾經約貫休靜峯上人知有此約先日招大空來陪

周烈婦庠生培女 徐 墀竹士

夫死身亡志早堅祇因奉養尚留連慈闈衰邁臨

終日賢婦從容畢命年數載茹冰盟白水一朝絕

粒赴黃泉兩全節孝應無憾千古芳名析木傳

重宴鹿鳴詩自序 齊 棟

嘉慶十三年戊辰 恩科鄉試余忝列科名至

同治六年丁卯恭逢

恩旨以戊辰 恩科鄉試歸入丁卯科鄉試同賦鹿鳴

沈雲巢首唱代擬重賦鹿鳴詩二章一時和者

十餘人余以耄耄之年老景頹唐舊交疎闊今承公和詩章謹彙繕以誌雅意云

代擬

沈兆滙

曾掇天香六十秋婆娑月殿又來游吟成老輩希

青岳

董青岳先生嘉慶己卯有重賦鹿鳴詩四首

坐冠羣英笑白頭獲

雋當年開

壽宇叨榮此日占先籌

戊辰獲雋茲先一年丁卯

與宴

同登虎榜人何在獨立西風花萼樓

兄保傳弟承厚同登

榜

三徑歸來賞菊叢笙簧重聽一堂中敢誇翰墨梁

文苑

梁山舟以書名嘉慶丁卯重賦鹿鳴

冀得箴規衛武公雅拜鹿

續天津縣志

卷十九 藝文四

三

鳴萃草茂珠探驪領海門通新科更喜符成數再

賦嘉賓定我同

新科津門中式者十人

邵邦傑

竹虛

屈指科名六十秋天香桂苑又重游當年鶚薦垂

青眼此日

鴻恩宴白頭虎榜津門曾入選龍濤

海屋更添籌同枝棣萼今何在獨感西風庾亮樓

孟繼坤

筱帆

一曲霓裳月又秋先生曾作廣寒游杖 朝此日

推台背觀

國當年伴解頭筵起西風鴻漸陸樽

移北海鶴添籌尚書紅杏詞成否兄老先修五鳳

樓

楊寶昌

老年攀桂入花叢又喜香生兩袖中韻別四聲宗

沈約

詩乃沈雲巢先生代作

山移萬仞契愚公

先兄愚山賦性最魯公獨

契仰看富貴浮雲似謂食苹蒿嚼蠟同如此高人

吾不識

昌夙未識面

相逢笑把姓名通

孟繼堦

治卿

君家桂樹昔成叢六十光陰轉眼中壯歲才名驚

析木老年棲隱學龐公 恩叨醉酒春長在志抱

凌雲路早通從此文光煥南極霓裳一唱衆仙同

續天津縣志

卷十九

藝文四

三

津門晤郭穉山

汝駮

吳起元

雲佐

清談不異木樨禪小宴迎涼雨後天直以通材成

大隱况兼好客有名賢

謂崆峒老人趙二川諸君

酒傾仙露心

都醉詩比長城律自堅慚愧登堂承雅愛晶盤雪

藕采紅蓮

席間新藕甚佳

寇警

戊辰四月

沈兆澐

雲巢

會驚風鶴上元辰入夏匆匆寇至真馳遠競來干

里馬擣虛誰護四鄉人貔貅隊整城郭固

郭爲僧邸舊

築茲又加高厚

槍礮機靈火藥新

崇少司馬新練洋槍隊得力

顧我登

陴嗟耄矣幸逢頗牧靖烟塵

寇退

沈兆澤

來從雍豫去山東奔突經時畿輔中蔓草衰餘除  
易盡哀鴻多處繪難工膏融麥野呼庚息水挽星  
河洗甲同脫劍凱旋農器鑄鏡清寰海頌綏豐

五言排律

津門禦寇獲勝記事

王鏞 露洲

津門安穩日四海起羣邪奉得

綸音到

咸豐三年正月十日奉旨團練新添練勇奢 二月中旬中丞梁公寶常刺史

吳公士俊廣文汪公彭邀予入局總理一切竭兩月晝夜之力將局立成選丁操有紀

按卯驗無差面面懸高燾森森樹大牙義民施膺

續天津縣志

卷十九 藝文四

三

力策士展才華羽檄傳如火緡錢算似沙戈矛橫

蔀屋部伍列官衙春日青旂建秋風白浪加 本年八月

初一日夜風雨大作沖開芥園大隄一段沖開河一道劃出路三叉夜

靜羣規怪波平好浴鴉築隄憑土木繞觀渺雲霞

雲霞觀為水所繞淹没人無算漂流樞可嗟田園變江海

樓閣屬龍蛇渡遠將聯楫 新設浮橋一道城危又奏笳 賊匪

有信竄津城都思迎虎兕詎慮葬魚蝦舊竹竿堪

中防備愈嚴試 刀槍外人人皆酸梅藥不賒 人人口銜酸大軍

以竹竿衛身方赫耀小醜正矜夸縱火燒高宇分金向富家悲

啼夫與婦遷徙子隨爺裹脅人為役搜羅馬作驂

白頭長已矣黃口豈安耶楊柳曾開驛葡萄向有

窪楊柳驛葡萄窪福神來報信賊入境城中不知

後其人謝父竟思拏謝明府一人首先領隊隔岸

槍頻放登場鼓屢搗有天誰禱祝無地不喧譁膽

敢黃袍著賊服黃袍身還碧樹遮晨朝偏出隊子

夜始迴車終是山中豹能降井底蛙雁排纜震動

佛郎機俗呼為雁排皆伏於鼠竄滿荒遐除暴同

鋤莠衝鋒類破瓜刀光含雪色柝影雜霜葩各道

辛勤苦仍將甲士誇揚帆爭送餅得勝後每家送

舉匕感施茶戶外旌旗拂門前劍戟斜緊防惟黑

續天津縣志 卷十九 藝文四 三

夜盤詰到烏紗是時外來官長亦認真盤

紫殿褒勲績

彤廷錫寵嘉威名宣

帝闕佳話遍天涯頂色明於錦翎光燦若花事堪播弦

管歌已唱琵琶共樂

昇平世閒栽桑與麻

七絕

竹牀引為姪倩張楚山進士賦 周人驥 蓮峯

破竹為牀樂靜便虛心高節尚依然珊瑚玳瑁多

相如莫遣清風四海傳

晚過草堂

張 霏 笨仙

草堂花已過時看紅溼香雲片片寒野笛一聲鐘  
鼓後酒船泊處夕陽殘

晚翠山房

張虎拜 嘯崖

五載京塵白鬢鬚丹青遐想寄衡巫如今掃跡長  
林下卻對真山看畫圖

水西莊秋日雨中

查 禮 儉堂

碧水迢迢漾淺沙幾重修竹野人家最憐秋滿疎  
籬外帶雨斜開扁豆花

葛沽道上

王祿朋 秋坪

續天津縣志

卷十九

藝文四

十四

海門東望葛沽隄一路春風入馬蹄水上桃花村  
外柳紅粧多在畫樓西

沽上竹枝

康堯衢 達夫

酒旗風影向人斜畫意猶存點點霞醉裏不知村  
樹盡尙逢牧豎問桃花 桃花

琵琶池上起龍臺曲曲迴廊近水開每到紫藤花  
發處遊人都問芥園來 芥園

隔河遙指尹兒灣殘夢樓傾一水間黃卷有兒酬

素志青燈不惜老紅顏 佟蔗村弟婦孀居此樓教子成進士

曲沼荒涼感勝遊一聯堂上集名流舍南舍北皆



春水微雨微風入畫樓  
曲水園又名康園  
廳聯集句所書

思源莊  
張魯菴  
瑩園

康堯衢  
達夫

芍藥池南柳色邊小橋橫鎖墓門煙幾時不到思  
源望細雨春深種麥田

懋思錄題詞  
樂立本  
飛泉

剪刀纔暇理殘編燈火熒熒手自箋此日不堪披  
卷讀傷心猶帶墨痕鮮

念我嚴親見背初熒熒家室漸蕭疎尸饗賴有高  
堂母廿載焦勞不忍書

列鼎生前志已違空餘餉核薦靈幃自慚反哺輸  
續天津縣志  
卷十九  
藝文四  
詩  
三五

烏鳥得食猶能向母飛  
鴟血啼殘強自寬昨宵有夢更增酸不知訣別終

千古猶向窗前數問安  
百轉腸迴重有思焚香虔自禱冥司黃泉但許依

慈母便作幽魂也不辭  
卜葬年來計始諧一經摩畫倍傷懷如何嫡嫡生

身母付與蓬蒿萬古埋  
津門權歌呈家小如明府  
長春  
沈峻  
存圃

津淀分流向海東衙齋遙望水雲中使君拋卻垂  
竿手拄笏來看拍趙風

家家門戶對蓬窗白鷺飛來照影雙楊柳桃花三十里  
畧師都慣唱南腔

江鄉是處盡花源雞犬桑麻只一村共說使君多善政  
兒童拍手鬧黃昏

箕踞船頭酒細斟風波無恙不關心幾聲欸乃滄浪外  
千古雲山韶濩音

張氏思源莊卽景

沈峻 存圃

門前溪水碧於油夾岸垂楊繫釣舟麥氣花香尋不見  
隨風吹過小橋頭

閒庭寂寂只書聲不捲湘簾冰簟橫睡起茶香清

續天津縣志

卷十九

藝文四

三

沁骨又憑曲檻聽流鶯

錦衣橋

沈峻 存圃

隔林幽鳥語絲蠻盡日無人獨閉關何處浣花兼浴硯  
錦衣橋畔水潺潺

郊原雨足麥油油長夏江村只是秋何處垂楊堪繫馬  
錦衣橋畔酒家樓

數株煙柳受風多半畝芳塘繞芰荷何處臨流吹短笛  
錦衣橋畔挂魚簑

紅塵一半隔城闔竹几藤牀寄此身何處柴門燈火亂  
錦衣橋畔數歸人

嘉慶辛酉津邑大水

黃成彥 碩人

最怕秋來風怒濤况當驟雨夜騷騷山妻愁苦翻  
成羨君有迎寒舊繭袍

曲曲愁腸日九迴儒生生計太灰墮四圍秋水無  
餘地何處堪修避債臺

沽上得句示訪舟索畫此意

梅成棟 樹君

如此蕭疎寫得無蓼紅蘆白水平鋪寒雲數點青  
天外一幅瀟湘落雁圖

題天津司馬顧彥和 汝壽帶月移梅圖

李雲楣 采仙

續天津縣志

卷十九

藝文四

三七

故園春色要重探為倩園丁帶月擔畢竟使君風  
趣好遙從江北憶江南

梅影清幽月影疎詩情畫意兩相於灞陵橋畔騎  
驢客何似先生薄笨車

沈雲巢方伯姻丈重宴鹿鳴詩

吳惠元 霖字

後塵曾步到蓬瀛又看君重宴鹿鳴一品會昌新

集續

加頭品頂戴

詩鈔合易織簾名

君著織簾書屋詩鈔

頰壁重遊歲月長華顛重喜聽笙簧賓筵拾值重

陽後記取黃花晚節香

君重遊頰宮詩有句云佳識黃花晚節香

領袖羣英肄雅音添來繡黻繡仙禽從前五老留

佳話獨荷袞嘉冠藝林諭曰藝林盛事

龍馬精神海鶴姿耆齡不異壯年時瓊林轉駒逢

嘉讌穩和覃溪舊韻詩翁覃溪閣學王申重宴鹿鳴有詩

閨秀

雨霽程德輝

德輝天津人父鑰適孫洪洪歿殉節

雨餘晴自好暮色藹林端斜景淡相媚小窗空復

寒花明如欲語鳩逐不成歡滿徑蒼苔滑含情獨

倚欄

幽蘭程德輝

續天津縣志卷十九藝文四 三

紉佩相參欲怨誰國香原不要人知祇應空谷佳

人共翠袖天寒日暮時

雪中海棠和韻許雪棠

移從香國種無雙幾見凌寒意不降日映輕紅嬌

帶淚風扶弱質笑迎窗朱門舊許宜春睡冷院新

看伴玉缸卻恨杜公無好句空教十月渡寒江

題邊塞圖趙氏

趙氏佟莘湄太守鏤室著殘夢樓草

黃沙漠漠迴無垠萬古關河不度春今見畫圖腸

欲斷可知當日戍邊人

舟行

王氏

王氏欒樹堂樟室著南遊草

曉風捲雨透窗紗  
雨板長排悶倍加  
獨坐舟牀無箇事  
隔將簾隙辨山花

除夕

王氏

欲舒梅蕊臘將過  
惆悵鄉關可奈何  
舟子不知人意醉  
滿江來往唱吳歌

虎邱

王氏

舟泊吳江岸  
乘春玩虎邱  
懸厓通小徑  
密樹隱高樓  
劍石痕猶在  
墳池血尙留

相傳池血吳王殺築墳者血渠浮言

續天津縣志

卷十九

藝文四詩

无

誰與辨取路過溪頭

過草亭作

金至元

至元字載振解元查爲仁室著芸書閣集

屈曲草亭入蕭疎  
遠市譁畫欄斜抱石  
翠幌薄籠紗  
境僻蝸黏壁  
林香蝶報衙  
此間塵事少一卷補

楞伽

重過水西園

金至元

一番雨過釀輕寒  
七月南塘水半竿  
最是重來好風景  
秋光如染隔林看

水西山莊落成家  
嚴命賦敬步原韻

查調鳳

調鳳字鳴祥爲仁次女

草草新成小水西疎籬茅屋稱安棲無多山水供  
人賞有點煙雲著樹低曲院詩篇吟滿壁半園花  
竹抱長隄老年但得怡情地隨處皆堪自品題

查容端

容端字淑正爲仁三女

小圃新成復向西一家逸興愛幽棲竹煙半隱迴  
廊曲花影斜看偃月低渡口遠帆凝碧水門前疎  
柳卧長隄分明寫出雲林意展卷雲泉盡可題

續天津縣志

卷十九

藝文四  
詩

三

查綺文

綺文字麗言爲仁五女

潑墨圖成小水西此中清遠足幽棲數間竹屋臨  
溪靜半架蘿陰覆檻低玉骨含香藏煖窖冰魂瀉  
影罨長隄卷開便是登臨處親拭花箋著意題

見雁

章烈婦

烈婦金允恭室夫卒自縊獲救未幾絕粒死  
此身孤寄似浮雲忍見泥金舊嫁褰春雁又來人  
不返一天淚雨哭離羣

未知鴻雁爲誰來嘹唳聲中百種哀只恐有書將

不去雙飛何日到泉臺

閒居

許氏

砧聲催煖散棲鴉庭院風清帶柳斜春酒熟時天氣好滿園開徧蜀葵花

題南門城壁

勾婦

滴滴青衫溼淚痕不堪回首舊朱門相將賸有伶仃女行過前村又後村

詩囊

佛女

紡得春雲一綫長包羅風月入詩囊他年補袞朝天上採取明霞五色章

續天津縣志

卷十九

藝文四詩

三

驢背尋詩竹杖挑天涯吟遍路迢迢定知風雪梅花裏獨負寒香過灞橋

曉起

金沅

金沅字芷汀孝廉梅成棟室

碧窗輕捲透春寒料峭東風翠袖單昨夜海棠經雨放一枝紅玉壓欄杆

移居衛河北齋使署西

王韞徽

韞徽字澹音江蘇婁縣人長蘆批驗大使楊紹文室著環青閣詩稿八卷

一囊針線一牀書十載相將少定居此日天涯重

卜宅又攜家具入蝸廬

斗室原無一畝寬但能容膝且相安劇憐近市魚

蝦賤晚食真堪當肉餐

近水休誇得月先倚欄差喜聽流泉卻看門外雲

帆滿可有朝來載酒船

掃除紙閣下蘆簾位置書囊傍鏡奩種得黃花堪

玩賞未須醉酒學陶潛

津門雜詠

王韞徵

聞說長蘆財賦豐江南風景略相同誰知眺覽全

無所只有行宮倚碧空

續天津縣志

卷十九

藝文四

三

士風近海盡懷珍學舍遷移建立新最是講堂顏

額好諸生由此問迷津

滄州舊有天津門書院運使移駐天津後漸傾廢乾隆

間運使盧公捐建問津書院於天津城內

三月村莊農事忙忙中一事更難忘攜兒結伴舟

車載好向娘娘廟進香

天津天后俗稱娘娘三月廟中報賽特盛鄰境男婦

結伴遠來

海邦七十二沽傳賤賣魚蝦不論錢一自年來水

荒後頓教價值倍於前

津門向多魚蝦自癸酉年竟斷絕俗稱爲水荒此後

遂少而貴矣

千艘轉粟正回空此際銷鹽獲利豐官令森嚴勤



訪緝獨教老少得通融

小民販賣私鹽官法所禁惟老弱殘疾之人許負販

數十

津關高設在河干一到河冰收稅難只盼新秋風

色好洋船廣到百憂寬

不論商賈與平民每遇婚喪百事陳簫鼓喧闐車

馬盛衣冠職事一時新

漫教乞巧問蜘蛛婦織何勞布帛須此地由來疎

紡織女星偏是照津沽 相傳女星下應小直沽

浣濯輕衫趁曉晴夕陽砧杵幾家鳴塞垣近歲無

征戍臨到霜寒意不驚 凡浣衣俱用小粉晾乾時砧杵搗平故四時有杵聲

續天津縣志

卷十九

藝文四詩

三

晚香最愛玉為肌秋色先看蠟綴枝 藍菊津門呼為江西蠟夏

末秋初頗多 清曉小窗人乍起隔牆聽喚賣花兒

新妝不羨鬢堆鴉高髻梳成別樣誇四面盤旋中

束角一枝斜插像生花

盡道津門買妾宜桃根桃葉許同歸果然不惜黃

金價指日能教賦綠衣

津門勦賊紀事

陳蘊蓮

蘊蓮字慕青江蘇人長蘆批驗大使左晨室

賊勢鴟張逼郡城自憐閨閣妄談兵蚩尤妖霧如

延及便擬懷沙效屈平

天狗如雷墮地聲早知大角欲躡兵二月初有星隕於西北其

聲隆隆如雷維時病軀久已輕生死咫尺烽煙轉

不驚賊踞獨流距津僅五十里

徹夜秋霖漲水鄉決隄直欲比淮黃狂瀾力遏西

南路始信神靈預設防癸丑八月河決芥園河神顯聖時張子班觀察欲脩

築隄防屢築屢傾西南遂成巨浸迨賊至僅東北

一路兵勇得以專禦一方天意借水蓋以衛民云

築塹挑渠仗右侯萬金揮灑運良謀張右侯名賓石趙時人出

家財募敢死士以衛鄉里後

仗劍謁石勒勒待以上賓時危始識真豪傑梓

續天津縣志 卷十九 藝文四

妖氛壓境滿城驚侃侃忠言激義氓振臂呼時齊

用命壯哉一旅救蒼生指謝子澄明府

居安思患令公孫文采風流將相門預製神機藏

武庫雷轟電掣殪游魂楊慰農制府任都轉時始聞賊犯江南即捐廉製抬

鎗五百桿迨賊至津門器械未能悉備賴此故得以擊賊

五載軍前草木風吹脣沸地逞凶鋒佛郎機共抬

槍手殲厥渠魁鳧雁同九月二十八日逆匪猝至津門之黃姓墳園距城八

里時津兵奉調在外謝明府帥義民迎擊賊之前

鋒即以抬鎗及雁戶鎗排伏於水次夾擊斃賊無

算內有黃衣賊目名小禿子者絕驍悍立為鎗斃賊始膽懾退至獨流負隅抗拒

二公忠義高千古誓掃妖氛不顧身血戰沙場師

屢捷惜哉一夕共成仁佟都統鑑謝明府子澄十一月二十三日同時陣亡

擾擾塵沙劫未終  
枕骸遍野血流紅  
可憐盡向河心棄  
順逐波濤魚鼈同

滄州獨流靜海經逆匪蹂躪殺戮尤慘

知方有勇說津  
壯士皆如曳落河  
天下武功稱

第一七星旗指靖  
么麼

天津兵勇俱以七星旗制勝奉調他省者每與賊遇

共識七星旗為津兵賊眾見即膽懾云

文臣名虎帥班超  
統領雄師衛帝堯  
更有天

心能助順河冰不  
合雪齊腰

謂勝克齋大帥暨德貝子達都統諸公

健兒十萬賦同袍  
釜底游魂敢遁逃  
將帥和衷師

用命行看奏捷沐  
恩膏

宿楊柳青

以下職官

海防同知英

廉

夢堂

續天津縣志

卷十九 藝文四

三

孤村倚長河  
客枕臨秋圃  
知有南船來  
烟中聞吳

語

孟公橋夜眺

長蘆分司孟

淦

虛舟

信步浮橋上  
茫茫眼界清  
月殘村舍暗  
風定海潮

平穩渡先公  
跡安瀾赤子  
情坐聽垂釣  
者還說舊

家聲

析津晚泊憶舊

巡漕御史

管榦珍

松崖

一帆又約雁南飛  
雲水空濛暮溼衣  
潮影欲沈知

海近月弦將滿  
入秋肥桃花紅盡  
誰歸寺楊柳青

燕自掩扉遺事  
鎮尋無故老  
月梁如昔燕巢非

乾隆乙亥五月初七日五十初度詩呈津門諸公

教和

十首錄二

天津知府主講問津書院

金文淳

質夫

纔離畚鍤息勞肩復理琴書願假年蜀日照人嗤  
下土春風入座愧前賢英才教育吾何敢舊學商

量爾共傳待得冰寒青又謝老夫相對更欣然

百年強半問誰同身世難諧類敬通歲月不回江

漢水功名相背馬牛風挽鬢兒女催人老把臂知

交漸雨空多謝異方羣祝祐文成十賚亦徒工

涼水河觀廟市作

天津道

李鑾宣

石農

涼水河前廟市稠青帘低挂樹梢頭稻孫綠後鶯

續天津縣志

卷十九

藝文四詩

三

初老杏子黃時麥已秋隔岸歌聲喧似沸繞隄行

館泊如舟濁醪到口都成醉愛此風光爲少留

贈沽上金野田銓

天津知縣

李符清

海門

沽上知名士如君第一流六書褚登善五字韋蘇

州有道貧何病無田菊是秋我懷存廣厲文酒定

交游

海光寺晚眺

李符清

海門

三津風物似南天徙倚高樓思渺然七十二沽秋

水闊夕陽爭放打魚船

津門夜泊

長蘆分司

楊暎昶

米人

津門形勝舊爭稱望海樓高最上層子夜歌長迷  
鳳吹丁沽水漲聚魚罾沿隄官舫宵吹角隔岸人  
家夜有燈試揭蓬牕看明月情懷真比六朝僧

津門絕句

楊暎昶 米人

魚鹽澤國繞汀洲丁字沽前碧水流記得船山曾  
有句二分明月小揚州

海國波濤接杏冥趁風番船正揚舲東沽水合西  
沽水楊柳青邊楊柳青

臨水人家傍岸居門前秋水映芙蓉臨流結得干  
絲網網得雙雙比目魚

續天津縣志

卷十九

藝文四詩

三

燈火樓臺一望開放懷那惜倒金罍朝來飽噉西  
施舌不負津門鼓棹來

送崔曉林歸慶雲次途中元韻即訂重來天津之

約

天津道 陶 樑 鳧菴

晚香亭畔翦蒿萊聊備琴樽句共裁爭看軒車高  
士集還同湖海選樓開

湖海詩傳之刻王蘭泉司寇延司校訂距今三十五年  
姓名廿卷編初定杖履三春許再來差喜時清

公事簡不妨吟嘯日追陪

費宮人祠

長蘆知事 趙 泌 二川

宮人故天津費家巷人鄉人即其居宅立祠祀

之

米脂麕鼠恣跳梁縹衣瓊笠升御牀齊姜宋子充  
後房殿前羅綺紛成行費家弱息顏如玉獨倚龍  
泉向天哭英雄肝膽女兒身荆卿聶政皆雌伏詭  
託天潢計未行元兇不合死都城先教狐兔橫屍  
泣足使豺狼破膽驚佚事沈淪二百載遺篇好向  
稗官采天驚石破此蛾眉非徒閭里增光彩碧瓦  
朱甍半畝宮靈旗蕭瑟捲秋風莫將巾幗圖遺像  
魂魄歸來亦鬼雄

落第

時寓津門

趙

泌 二川

續天津縣志

卷十九

藝文四詩

三

漫將才思詡劉蕡飄泊秋風逐雁羣失路何人悲  
季子請纓空自羨終軍燈寒旅館三更淚目斷鄉  
關萬里雲最是夢魂難洽處老親盼捷尙殷殷  
李采仙從津門寄雨夜見懷五律一首依韻奉和

趙

泌 二川

半載新離別相思涕欲零西風吹落葉蕭瑟滿中  
庭舉世無相識斯人眼獨青陽關歌一曲淒切不  
堪聽

題梅樹君師詩稿

趙

泌 二川

一曲廣陵琴悠然太古心塵中原寡和絃上已無

音秋思碧天淨雁聲湘水沈鍾期今不作妙旨歎  
誰尋

李春潭表丈擢任楚北邀余同往喜成一絕

趙 泌 二川

一紙除書下 九閭天教遊子束歸裝不甘身向  
炎陬老漫說并州是故鄉

武昌最好近家山同是長江郭外環快意西風吹  
數日布帆安穩到淮南

中秋夜春潭表丈招同朱芸閣明經照吳雲佐孝

廉起元及采仙表兄雲楣麓坪表弟雲松石生

續天津縣志

卷十九

藝文四

三

士瑩水生士琦玉生士瑗三表姪宴集卽席各

賦詩得七律一首

趙 泌 二川

廿年前記鬪尖叉

壬申中秋會於此拈韻賦詩

佳節重逢感歲

華微雨迎涼佳勝月

時微雨無月

新詩爭麗韻於花

拈歌

者素琴未至

人文江左推王氏絲竹山陰屬謝家底事

酒闌燈施後不教小玉弄琵琶

大沽閒步

清河道

鮑桂生

小山

雲開萬里現新晴晚景澄清一望明月上園亭成

畫境潮來天地作秋聲蟹螯約負黃花瘦鴻爪痕

留白雪輕游宦匆匆應自笑何如適意任浮生

奉委督修海口礮臺工竣寄金鏡軒太守鐙

鮑桂生 小山

風號雪虐日追從今日相看喜動容大海奔騰來  
萬馬高臺突兀峙雙峯艱難爲鍊書生膽塊偶應  
澆壯士胸月上花間同一醉好將忠信息邊烽

孫琴泉觀察招同國佐亭侍郎瑞秋帆恩露圍兩

學士郭筠仙太史李芸舫漕帥文星崖方伯崇

地山都轉天津海口小集 鮑桂生 小山

車聲滑滑板橋西異地同人聚會齊落葉當窗蝴蝶  
蝶舞殘花繞樹鷓鴣啼環璋我似羊公鶴慷慨同

續天津縣志

卷十九

藝文四

罕

聽越石雞莫笑書生杯酒量驚濤萬里望中低  
與友人談金念直觀察光筮殉難事淒然有作

鮑桂生 小山

獨我頻承阮眼青何堪舊雨半飄零入公山畔仍  
芳草五丈原頭失大星玉樹竟教埋寸土金尊無  
復聚荒庭遙憐嗚咽臨淮水落日西風墮雁翎

書天津石襄臣太守集唐詩後 鮑桂生 小山

織錦天孫手生花太白才頓教凡響寂如對古人  
來夜雨琴三疊春風酒一杯欲方詩境界海上現  
樓臺



兩載津門役深知太守賢斯人真傲吏此卷接游  
仙鶴暎青天外松聲碧澗邊蘭芽應早茁莫讓杜  
家專襄臣尙未得子

津門呈崇地山侍郎

鮑桂生小山

走馬燕臺氣鬱盤當年握手便言歡風濤全仗同  
舟濟骨肉何曾異姓看賦別三沽春草瘦論交千  
載嶺松寒萊公姓字邊疆重一代元勳繫治安

葛沽看花歌

河防同知陳重小蕃

海濱風勁飛黃沙春深古樹未著花雨餘天氣忽  
清明一十六里開朱霞烘桃染杏嬌欲滴淺紅深

續天津縣志

卷十九

藝文四詩

四

絳紛交加胭脂一抹粉一點梨雲襯玉鮮無瑕晴  
烟裊裊拂柳浪下有略約通三義魚鱗雁齒各生  
色兔葵燕麥新抽芽忽然散金眩光采碧畦頓被  
黃花遮將無皈依祇樹寺或者誤入仙人家此景  
總輸老農有此時只稱芒鞋走我拘塵鞅困塵容  
閉置車中似新婦棲遲海岸靳投簪林慚澗媿歎  
人醜我家住近梁孝祠綠陂紅渚相參差雙柑斗  
酒嬉春日三月烟花修禊時一朝烽火逼人去蓬  
蹤萍跡津沽路津沽本是釣游區我祖此地曾綰  
符廿年餘陰愛嘉樹當時政績方蒲盧七十二沽

勢寥落葛沾花木獨照灼枝頭常駐太平春管領  
羣芳殊不惡老樹無傷殷仲文作郡何妨謝康樂  
生平性與烟霞親當前况遇景物新香影便娟弄  
春色鳥聲上下含天真風搖樹枝攬客思茫茫百  
感來無因梁園修竹摧斧斤蓬萊清淺愁揚塵何  
時移向深山去相對嶽崎厯落人

葛沾舟中 以下 寓賢 博學宏詞 吳 斐 邁洋

曉日籠嵒近直沽遙遙帆影出平蕪眼前芳草衡  
湘色只少春山叫鷓鴣

短蒲沙帶退潮痕花裏樓臺柳外村暫歇吹簫倚  
續天津縣志 卷十九 藝文四 聖

雙槩閒看絲網摘河豚

問津園卽事 贊善 趙執信 秋谷

閒園有約幾回空逸興無端趁海風綠樹自隨人  
遠近斜陽不隔水西東槐陰老屋宜清簟蓮葉新  
陂待碧筒便與諸君常倒載兒童一任笑山公

津門雜事 汪 沆 西顯

天津名自長陵錫三衛新軍駐羽旂卻怪後人多

傳會紛紛耳食是耶非 明成祖永樂二年設天  
津三衛始有天津名

海津作鎮劇蒼涼七姓殘元始啟疆爲問咬兒同

朵罕阿誰數典不會忘 天津初止七姓李咬兒只  
朵罕皆設衛時所徙官籍

豆子航邊夜射魚潮痕初上柳風疎千年劉格芟  
夷後金鏃猶耕出廢墟一豆子航今鹹水沽

藍田雨過稻花香吠蛤聲中趁夕陽喚作小江南  
也稱僧衣一帶抱迴塘藍田在城南五里康熙間總兵藍理所開水田也

天后宮前泊賈船相呼郎罷禱神筵穹碑剔薛從  
頭讀署字都無泰定年元史泰定二年八月作天妃宮於海津鎮

秋草離離魚化橋科名盛事記前朝一枝仙桂重  
攀掇赤鯉蘭舟潑刺跳魚化橋在舊衛學泮池上

中春積雪一灘明好趁東風蕩槳行試問熬波人  
在否暝禽啼上角飛城石勒使王述煮鹽於角飛城即漂榆故城

續天津縣志

卷十九

藝文四

三

浣俗亭開十畝池傍池雜樹帶花移輒紅百丈都  
拋卻清絕吾家金部詩汪必東由戶部郎中出任天津分司構浣俗亭

宜亭如笠倚斜陽隄上青青柳萬行為矚行人莫  
攀折長條多是名公棠宜亭在城西演武場月隄上康熙間朱觀察士傑建

柳棉脫盡水初肥雁齒紅橋指錦衣七尺烏篷三  
尺篠樹愔愔的坐忘歸金吾橋舊錦衣衛橋也垂楊接岸遊人多釣於此

重紅複翠接村畦比屋都居花太醫劇愛小園蜂  
蝶鬧籃輿日日挂偏提小園村名在城西與大園相鄰人多藝花為業

秋漲黏天迴不分青蒲獵獵水云云一坏知屬陽  
侯護翦斷銀濤四烈墳秋霖決句積潦彌望獨四烈墳孤峙水中不沒

花天月地鬪觥籌占盡風流紅墜樓今日重尋園

一畝燕泥無賴泥簾鉤紅墜樓在一畝園魯菴張氏別墅

樓頭豔雪瑩於玉每課新詩到日西不及尙書有

盼盼白楊作柱背燈啼佟蔗村僑居津門西郭築樓貯妾趙氏名豔雪樓

門外河流燕尾叉門前楊柳萬行斜拾遺分取雲

孫住從此村呼小浣花浣花村在城西五里前臨大河杜氏所居

不櫛書生不畫眉傳來豔絕海棠詩若教玉秤稱

才子壓倒樓頭舊婉兒閨秀許雪棠工詩文祕不示人惟傳十月海棠二首

吾愛詩人張笨山帆齋高卧屋三間阿兄在自稱

豪舉垂老何曾得遂閒張笨山名霑工詩古文帆齋其讀書處也

續天津縣志 卷十九 藝文四 器

鷓鴣盤子小子萍販得鮮回盡入城青鯽白蝦充

饌好登盤須遜女兒鯉裙帶鯉女兒鯉俱產泥沽葛沽等處

生計惟憑舊釣車魯魚網罷網羊魚更臨葦岸烹

回網便瞰西施乳不如回網魚不受釣餌魚人以又得之味腴美冠水族

故人多感促南轅旅味緘書僕指論二月河豚十

月鱗兩般也合在津門津門鱗肥美甲天下河鮑壓擔長安貴人每急致之

按徵士與仁和內翰吳君廷華久居天津主蓮

坡查氏家邑侯朱公奎揚聘修縣志此作隨意

摭拾蓋以詩傳事非以事為詩也摘錄二十首

以備考據邑中故實耳

五月二十七日同集水西莊看荷 余懋樞 楓溪

蓮花山水自亭亭沽柳欹風列翠屏賤子不歸頭

已白先生相對眼常青筆追秦漢留生氣詩學蘇

韓適性靈醉卧北窗堪送暑五千道德有真經

初到津門 朱 岷 導江

潞衛交流入海平丁沽風物久聞名京南花月無

雙地薊北繁華第一城柳外樓臺明雨後水邊魚

鱉逐潮輕分明小幅吳江畫我欲移家過此生

半畝園感舊 朱 岷 導江

風流回首歇繁華酒國詩場謝傅家數點海棠秋

續天津縣志 卷十九 藝文四 詩 巽

院閉無人愛惜尙開花

題金芥舟黃竹山房 徐 雲 文山

一座草亭裏煙霞與世忘簾垂竹影暗花夢蝶魂

香酒意饒春興甚磬聲動夜涼月明人靜後幽怨起

瀟湘

丁字沽閒步 黃鍾山 子雷

春風丁字水兩派緣分聲古寺無人到青苔滿院

生樓頭雙燕在村落早暎明指點長安路西山一

望平

費宮人故里 高濬璜 寄泉

胸填義氣鬢揉藍強學鴛鴦虎穴探頭血淋漓膏  
匕首至今片土壓燕南

津門春望

崔旭 念堂

河流曲似九迴腸城郭彎環水一方接岸帆檣連  
渤解泥人簫鼓比維揚大隄夜雨蘼蕪綠小陌春  
風荳蔻香四十年前游賞地幾回惆悵立斜陽

津門

崔旭 念堂

畿南巨鎮此稱雄都會居然大國風百貨懋遷通  
薊北萬家粒食仰關東市聲若沸魚蝦賤人影如  
雲陌巷通記得銷金鍋子語盛衰事勢古今同

續天津縣志

卷十九

藝文四

吳

滿眼繁華看逝波肩輿塞路走如梭沈檀珠翠來  
閩海花鳥樓臺繞衛河商賈競趨鹽筴利優伶紛  
逐酒筵歌笙簫聒得游人醉未省津門暮氣多

題梅樹君竹樓編詩圖

崔旭 曉林

我生有癖愛鈔詩殘編敗壁搜無遺沾上梅三更  
好事口吟手寫不知疲大張鐵網操選政不但心  
專氣亦橫編罷邑人編郡人我如六國遭兼并更  
畫欲起竹間樓著君編詩坐上頭牙籤錯落排甲  
乙清風入戶吟聲幽此樓從君意中有此編儻傳  
千載後後人見詩如見樓詩卷長留樓不朽君不

見宋相寇公國號萊官居鼎鼐無樓臺萬事不如  
編詩好何日我歌歸去來

陶鳧薊先生編畿輔詩囑梅樹君同年見招途中

有感

崔旭 曉林

韓毛兩傳久荒萊燕趙風詩待翦裁吟社夙心憐  
我老詞壇生面喜人開頗聞遺稿叢叢聚不避清  
寒得得來前輩有靈應一笑白頭披誦又添陪

津門百詠 錄十首

崔旭 曉林

往日 鑾輿曾此臨津東勝地柳成林宮門深閉

花千樹應抱春風望 幸心

續天津縣志

卷十九

藝文四詩

七

芥園高傍衛河旁樓閣參差映綠楊曾是當年詩  
酒地行人猶說水西莊

大悲舊院幾重修朱記

竹垞初碑可尙留欲向窰窪

尋故迹蘆花野水四圍秋

大覺菴前野徑斜干畦錦繡燦朝霞游人漫說豐

臺好百畝風開芍藥花

墓前石碣一行分憑弔城西烈女墳雪虐風饕松

柏樹敢將蔓草比羅裙

天津科第好文風二百年來運大通癸未春闈尤  
鼎盛五人一榜捷南宮

津門名勝足詩家沾上題襟事已賒前輩風流搖

落後獨留清韻在梅花

謂梅樹君

墨竹昔稱吳念湖雅村健筆近來無訪丹青立工

山水迴與尋常畫史殊

津門畫手向推查集堂之竹蘭金芥舟之山水自吳

念湖太守繼其風後擅竹蘭者惟梅雅村先生為最而陳公青立王公訪舟之山水俱得南宗正派

水患年來多難民紛紛蒙袂聚三津捐金為粥延

殘命四廠分沾五萬人

道光壬午癸未二年水患饑民就食來津侯公肇安

倡義捐金煮賑四門立廠每日男婦五萬餘人

結社同防回祿災登時撲滅賸殘灰鑼聲幾道如

軍令什伍爭先奪勇來

續天津縣志

卷十九

藝文四詩

哭

沽河雜詠

蔣詩秋吟

燕山府裏界河橫遼宋分疆是武清海口汶連三

女砦古來天塹最分明

荒郊無復呂彭城兵氣銷沈只賸名若不抗懷干

載上誰知古戍有金鉦

相傳呂布彭越屯兵於此故名城在縣西北二十五

里

垂楊夾岸溜潺湲檣影波光掩映間但覺漕河多

曲折不知身在信安灣

灣在天津西北即漕河曲折處也明正德中畿輔賊

劉六等犯天津守將賀勇遏之於此

大悲院在北門外河北窑窪樓一層幾度登樓抬



眼望開窗但見滿河燈  
大悲院僧世高結茅天津之衢夏以水冬以茗施往來之人築室三楹  
題曰大悲禪院

車戽週遮響正酣  
水田漠漠小江南  
農人共說藍田蹟  
昉自將軍舊姓藍

不問虹蝦與線蝦  
沙虹對對已堪誇  
漁翁陪客新撈得  
輸與沽西賣酒家

印章自昔推文氏  
鐵筆於今數所其  
獨得漢銅香一瓣  
不隨時好格尤奇  
李釗字所其文安人流寓天津工摹印性耿介有不

當意者雖于金不應也

科甲溯由成化始  
泮池雙鯉撇波跳  
衛劉秋賦同

續天津縣志

卷十九

藝文四詩

完

膺薦三百年來魚化橋  
橋在衛學櫺星門內明成化乙酉泮池內有雙鯉躍

過是年劉鈺衛林中式故名劉鈺丙戌成進士入翰林爲津門甲榜之始

皇船塢口是漁家  
楊柳青青一路遮  
絕似西湖好

風景三分烟水一分花

津門三月便持螯  
海蟹堆盤興儘豪  
轉瞬又看秋稻熟  
重陽時節好題糕

附著述

著述與藝文異藝文取其有關本邑利弊及人物風景者登之著述則第登作者之名目庶不致久而湮沒至現在人著作不登

奏議 晴川餘稿 明進士劉燾著

蘊古書屋詩文集 明進士張愚著

嘉言編八卷 明諸生王紹慶著

詩真 知府郭允昌著

道源集 李真福著曹溶序

左氏臆說 查日乾著

玉紅草堂集 龍震著

嘉蓮閣文集 進士沈支炳著

曠真精舍觀畫錄 甕虛齋觀帖錄 布衣李友

泰著

續天津縣志

卷十九

附著述

五

遂閒堂稿 雲南巡撫張霖著

帆齋逸稿 晉史集 欵乃書屋詩集 綠豔亭

集 貢生張霏著

桃花源日記 歷下吟 太行行草 畫史 路

史 布衣黃謙著

珠風閣詩集 續集 查曦著

蘭亭詩鈔 查為政著

蔗堂內集 外集 蓮坡詩話 解元查為仁著

銅鼓書堂詩集 湖南巡撫查禮著

四書話 四音韻譜 經緯字彙 家禮通宜

四字小學 雜著 歲貢于开著

誦芬堂詩集 山人沈起麟著

閒閒集 山人童葵圃著傳王露序

易翼述信 大學原本說略讀法 中庸總說讀

法 論語廣義 孟子讀法 詩禮堂古文

史記七篇讀法 詩禮堂雜纂 雜詠 編修

王又樸著

居易堂三周文稿 進士周人龍著

香遠堂詩稿 蓮峰宦稿 進士周人驥著

檢定唐宋文錄解 史記約錄評解 毛詩簡明

續天津縣志

卷十九

附著述

五

錄 尚書簡明錄 禮記纂言 昭明文選約

錄 唐詩類疏 左傳輯評 自著保積堂館

課詩賦 保積堂四書制藝 古文雜體 孟

子讀法附記 檢討周人麒著

讀書軒詩文集 諸生胡捷著

卜硯山房詩鈔 拔貢周焯著

蘭谷詩草 舉人張如鉞著

和樂堂文集 殷維玠著

右香詩草 山人朱玫著

谷齋集 諸生舉宏博朱函夏著

青蛻集 進士丁時顯著

東軒詩草 查善和著

致遠堂詩集 山人金平著

奏稿疏 御史趙之符著

步青堂餘草 副貢徐金楷著

南岡詩草 進士于豹文著

桐陰小築詩集 舉人汪舟著

竹坡存稿 舉人金世能著

海天書屋詩集 舉人李焜著

大雅堂詩集 進士張湘著

續天津縣志

卷十九

附著述

五

趙和六遺集 舉人趙仲英著

山舟草 進士鄭熊佳著

珊瑚鞭 進士吳人驥著

秋坪吟草 進士王祿朋著

一梧堂詩草 舉人王希曾著

蘭亭詩鈔 舉人殷希文著

客况遊蹤 庠生欒樟著

欒樹堂遺詩 增生欒棨著

妙香閣詩集 進士張虎拜著

硯北草 進士徐瀾著

菘猗山房詩草 舉人周光裕著

梅墅吟存 舉人馮智著

欣遇齋詩集十六卷 存圃文鈔 資鏡錄 副

貢沈峻著

映奎堂稿 舉人陳居敬著

朗齋詩文集 副貢徐炳著

懋思錄 等韻述古 左史世系圖考 六朝統

鏡 詩律範金 法門集鑿 羣書集腋 蔗

香詩草 津門詩彙 舉人樂立本著

四書論文 五經解 素問解 靈樞解 瘟疫

續天津縣志

卷十九

附著述

五

論 貢生洪天錫著

芥軒詩草 歲貢魏天侯著

杖屐草 南遊草 秦中草 貢生郝仁著

黃竹山房詩鈔 布衣金玉岡著

硯圃山房遺集 副貢樊宗浩著

嚶鳴集 舉人沈嶧著

青立詩草 拔貢張靖著

偶存草堂集 歲貢趙松著

眠雲山人詩稿 諸生牛克敬著

草龕詩集 歲貢周自邵著

夢陶學吟稿 布衣馮晉著

易經集說 經史彙考 采芳隨筆 湘鄉漫錄

小息舫詩草 進士查彬著

津槎集 舉人張樹之著

二愚文稿 尙書眉詩集 舉人楊一崑著

虛舟草 布衣戴思灝著

耕心堂刪餘草 布衣魯鏗著

閩遊集 諸生于揚獻著

海上樵人稿十二卷 津門風物詩四卷 雲構

詩談四卷 節錄女戒一卷 歲貢康堯衢著

續天津縣志 卷十九 附著述 五

閒情集 松崖草 布衣陳大年著

木齋小草 諸生孫鳴鐸著

閩海詩存 進士沈士焯著

黔中草 編修沈樂善著

多識類鈔 同文拾瀋 雜字 姓函 叶韻闕

斑 進士焦景新著

四書註疏約參 撫異錄 進士陸樟著

竹村吟稿 舉人金紹驥著

雄甫詩草 河工摘要 雜誌 雜記 廩貢蔣

玉虹著

卧隱齋詩草 山人王昭著

周易函書十六卷 副貢李源著

退思園遺文 副貢劉樟著

欲起竹間樓詩集十卷 津門詩鈔三十卷 古

文三卷 吟齋筆存四卷 儒釋合談一卷

管見編四卷 舉人梅成棟著

六琴十硯山房詩草 山人沈銓著

立山詩草 徐基著

僑樵稿 諸生喬耿甫著

六橋詩鈔 諸生喬樹勳著

續天津縣志

卷十九

附著述

五

楚遊小草 諸生陳汝杰著

竹泉詩鈔 諸生諸遜著

鶴泉草 舉人毛浚皋著

善舟吟稿 舉人王有慶著

愛竹山房詩草 布衣馮嘉蘭著

哀吟集 布衣鄭樸著

春園文稿 舉人黃新泰著

南柯游草 卧梅詩草 且寄軒集 舉人劉廷

璠著

海村詩草 周璠著

思誠書屋吟草 舉人余堂著

強識擇言 向亭文稿 副貢吳景周著

味古齋詩草 王翼淳著

天籟集 板扉吟 蓼蟲集 諸生趙芷著

青棠書屋詩稿 諸生繆共位著

懷古齋學詩草 布衣袁浩著

酣夢山房詩草 布衣杜兆斗著

晉遊集 延夢錄 諸生劉維祺著

詩巢存稿 諸生周梓著

讀石山房小草 布衣陳靖著

續天津縣志 卷十九 附著述

寫梅閣詩草 劉錫著

廡田初稿 進士劉錞著

自鏡閣詩草 諸生梅嶺著

瓣香齋遺集 黔游日記 舉人李雲相著

雲佐吟草 遊豫雜詠 舉人吳起元著

坦齋全集 舉人閻履芳著

一門沆漭集賦草 廩貢郝縉榮著



補編

海光寺謹菴上人招賞海棠

王敬熙

蓮品

瞿曇不自秘春光洗我塵勞看海棠花太嬌紅難  
久駐人甘淡泊莫求香果真南海留餘蔭漫道西  
施鬪淺妝卽色卽空參妙諦借來供養法中王  
海光寺裏足春光春日聯吟對海棠酒到酩顏花  
妒色詩饒韻句樹生香客來欲笑烘霞臉僧靜閒  
看醉月妝蘭若託根經歲久勝於柳墅豔稱王  
同人招飲望海樓有感而作

王敬熙

蓮品

吾儕對酒復當歌一上高樓感慨多 玉輦何時

續天津縣志

卷十九

補編

五

重駐蹕江湖滿地尙干戈

柳墅離宮五礫堆此樓景物足徘徊天空地迴河  
聲壯並入詩人酒一杯